

Balu&Baghira, 4j.



suechet DRINGÄND zäme es nöies Daheime i Wohnigshautig

Hoi zäme

Mir sy dr Balu u dr Baghira u dringänd uf dr Suechi nach eme nöie Daheime. Warum? Daheime sy mir grad nur no gschträsst, mir hei itze es Chliiching, der isch so iifersüchtig uf üs, wiu mir vor ihm da sy gsi. U itze müennt mir ou no zügler u aues isch für üs u üseri Familie zviu. Mir danke, es ruhigs entschannts Daheime für üs zwöi wär für aui bessr. Drum!

Mir sy Brüetsch, 4jährig, kaschtriert, gimpft, schtuberein, teschtet u gsung. Nur dr Balu het ab u ah Problem mit die Hingerbei u knickt churz ei, dr Doc vermutet, dass es nöirologisch cha sy, muess mer nüt mache, schtört dr Balu ou nid, er louft eifach wiitr u schpringe cha er trotzdem. Mir zwöi sy sähr, sähr mönschebzoge u aahänglech u schmüesele u schpiue für üses Läbe gärrn. Drum wär's mega, we Du nid dr ganz Tag furt wärsch, mi sy nid gärrn 10 odr 12 Stung allei ohni üse Mönsch. Aafangs sy mir bi Frömdi no schüech u gliichziitig ou nöigierig. Es plagt üs schon, wie Du ticke tuesch. U es chommt ou uf d'Chemie a, manche möge mir sofort u manche sy üs es bitzeli suschpekt. Müennt mir uusprobiere u beschnuppere, ob's passt. Mir chenne nur Wohnig mit gsicheretem Baukon, das reicht üs ou. Nur gsicherete Baukon, das muess sy. Zum Vögeli Luege u Sünnele. Hung u Chatz u chliini Ching wönnt mir nid daheime, viu z'schträssig. Grösseri Ching so ab 10i/12i wäret dagäge cheis Problem.

Mir sueche dringänd zäme es ruhigs entschannts Daheime bi liebi Lüt, wo oft öpper dihei isch zum Schmüesele u Schpiue. Auso chei Vollziitler, liebr Teilziitler oder Homeofficeler oder Pensionär, das wär perfekt für üs. Ohni chliini Ching, Hung u Chatz, abr derfür mit gsicheretem Baukon. Chönntisch Du üs so öppis biete? Ja? Das wär's! Denn müesst mir üs unbedingt lehre chenne. Mir wohne derziit noch z' Sarnen/OW, zügler abr gärrn zu Dir, wo ou immr Du wohnsch. Mäud Di doch bitte ganz gly bi dr Sonja Ball. Sie het sich üs agno u suechet für üs das nöie Plätzli. Üs pressiert's es bitzeli, Mitte Mai müennt mir scho us dr Wohnig usse sy!

Dini nöie Mitbewohnr: Balu&Baghira



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch